

關
中
陵
墓
志

關中陵墓志序

關中天府之國周漢唐之鼎在焉
秦隋因之周漢雖遷洛然在平王
光武之世其前則此地為宗周為
西漢文帝王代都聖賢間出豪傑
之從龍依曰楹丘勳猷者不少高

人之吸露食霞塵埃軒冕者亦多
忠義之臣節烈之婦並川壑之正
氣歷宇宙而常存若夫著任擅長
文藻標異其所表見亦自名家至
如依鄉才德偶馳驅而告終異地
英賢間僑寓而不返生皆人慕死

皆人悲託體一丘樓神千古雖其
精爽固下為河出而上為星宿然
其夜臺冷月玄室穉風見者無不
淚零况夫在代綿遠兵燹屢遭龜
螭毀銷方策放失蓋百后稷太王
已不知其葬所而况其他乎狐兔

出沒於陵隅，牧豎踐凌於壠側。或
地爲耕耘，平沒或塚被盜賊。睥睨
起於載籍，無微守護，莫設也。杳邈
英魂，能無愁恨。關中陵墓，一統志
陝西志，郡州縣衛志，俱有載。然得
於斷簡殘編，墮碑缺碣者，耳。諸沉

沒尚多也即就中亦有魚玄者懋
衡觀風其地不勝千穉之慨過咸
陽見累土者相望於荒阡莽陌之
墟而土人莫辨矣周文武成康之
陵或以為渭北或以為渭南尚屬
茫昧歲月轉深失傳愈衆余滋戚

馬乃檄督學祁君經紀之祁君又
辟二三文學外披馬經羅舊聞互
相參考有圖有說又有附錄各陵
墓道里遠近俱以各州縣城定之
其相離若干里許載於說或在北
或在南或在東或載於圖觀圖與

說可得梗概也既脫藁余稍爲之
商確及增補焉書成題曰關中陵
墓志噫祁君之用心精矣其有功
於帝王賢喆不小矣付之剞劂用
廣其傳庶有司覩此於封內陵墓
常加保護勿令剪伐其松楸侵軼

其北域則神妥而人亦蒙其庇而
乘輶之使輪蹄所至載此一帙可
憑而薦漿焉其於古人若見於暮
煙寒霧之中也至附錄其取意述
於凡例不具論論其撰志之意如
此

萬曆丁未三月既望新安余懋衡
序

關中陵墓志凡例

關中古稱天府蓋自唐以上帝者不能舍建瓴之
勝千秋萬歲後衣冠藏焉攀龍附鳳之士纍纍
從蟄第幅員寥廓指顧爲難茲圖不分世代以
所在郡邑爲類人懷一帙則輶車所至庶幾可
憑而吊矣

古人丘壠近者或在各郡邑城中遠者至八九十
里茲圖不分遠近必圖所轄郡邑畧具方所然
地非躬歷者不能盡肖也

古帝王陵如周文武成康相望不二三里然必人
爲一圖不敢減省其餘事或相聯而人非取重
不妨二人三人總爲一圖

一代興治其君與臣實共之藏骨一丘魂魄未嘗
不依依也茲雖另圖猶互書以見而于本陵冢
字橫書不溷觀者

自唐以還陪葬甚衆如昭陵百餘人一山勢難另
圖茲于陵圖後總書而其人之尤著者于姓名
下畧綜其事如房杜諸人是其有勲業蓋天而

豕非鱗附者另圖如郭汾陽是

赫蹠如掌四方攸辨茲圖以下爲南上爲北令展卷者北面古人然有葬在山陰勢爲掩蔽則改易其向而書南字于上以別之

八郡附郭邑其七皆一唯咸寧長安二邑俱在西安府城地如繡錯難以瓜分茲于城圖止書西安府字其餘倣此

太子諸王后妃或身關治亂或骨附陵園或功昭簡策者圖之以備考山陵垂懲勸其有泯泯而

別瘞一丘者不錄

茲帙意在表湮必于其人之著者帝王雖周幽秦
政不遺志戒也自帝王外夷狄亂華如五胡亦
僭號盜名一槩圖之不埒中夏乎故不妨進退
古人附錄于後

千百年丘壠淪沒多矣諸帙所載寥寥不欲輕逸
卽有一二無甚重輕亦入錄中未暇擇也

幽明迥隔世代絕遠誰能招九京之魂而發其真
僞蓋自文武已疑其非况有一墓而數出有有

墓而傳疑有古有墓而今湮滅者並繫于附錄
以俟博雅

關中陵墓志

明新安余懋衡持國甫訂

東郡祁光宗伯裕甫編

古燕李天麟仲仁甫

襄陵王應吉伯修甫

長山劉一相惟衡甫同閱

關中文學趙 岷

張 梟

東文豸

徐可爲同校


西安府

周穆王陵




周穆王陵

呂刑伯罔孔子錄之而說者謂王駕八駿御造父
將使天下皆有車轍馬迹焉又謂與西王母宴瑤
池說益荒唐矣今府城西三十里有穆王陵蓋卽
古鎬京地



漢文帝灞陵

陵去府城東四十里白鹿原上漢書帝至灞陵北
臨厠悽愴曰嗟乎以北山石爲槨以紵絮澌陳漆
其間豈可動哉張釋之曰其中有可欲雖錮南山
猶有隙其中無可欲又何戚焉故治灞陵陶人瓦
器不以金銀銅錫爲飾因其山不起墳後之人主
可以觀矣




漢宣帝杜陵




漢宣帝杜陵

漢書宣帝葬杜陵臣讚曰杜陵在長安南五十里
一統志曰在府城東南一十五里樂游原上帝后
許氏早崩葬杜陵南園謂之少陵王后成帝時崩
合葬杜陵東園其餘陪葬數十冢長安志圖云大
者恐是淮陽憲王等母三婕妤好小者或貴人以下
今莫可辨矣



漢薄太后陵

太后因呂后不得合葬長陵故特自起陵白鹿原
上近文帝號南陵長陵正值其西北所謂西望吾
夫東望吾子者在府東南三十五里



西安府

秦莊襄王墓



秦莊襄王墓

兩京道里記云在通化門東二里今在府城東三里皇覽云是呂不韋冢三輔舊事云是子楚母冢今呼韓信冢又云韓生冢皆非也史稱莊襄王卒葬芷陽蓋自鄜山西皆秦芷陽地

漢韓信墓





古長安城



西安府


漢韓信墓

墓在古長安城東三十里舊有廟今山西霍州又有信墓或謂高祖征陳豨呂后殺信傳首至霍按史稱高帝至聞信死且喜且憐之無傳首事



漢樊噲墓

噲賜食邑杜之樊鄉今府城南樊川南原上有樊
噲墓




漢夏侯嬰墓

郡國志曰滕公乘馬至此馬踣地悲鳴因掘地得石槨銘云佳城鬱鬱三千年見白日吁嗟滕公居此室公曰天也吾死卽安此今冢在飲馬橋南東臨灞水人謂之馬冢

西安府

漢董仲舒墓



漢董仲舒墓

李肇國史補曰昔漢武帝幸芙蓉園卽秦之宜春苑也每至此墓下馬時人謂之下馬陵後誤爲蝦蟆陵今在府內東南隅

南

漢丙吉墓


杜陵

西安府




漢丙吉墓

宣帝中興吉與魏相相繼爲賢相卒葬府城南二
十里杜陵南俗呼爲塌冢是



漢張安世墓




漢張安世墓

在府城南八里按安世薨天子賜塋杜東將作穿
復土起冢爲祠堂今冢存



南



漢蕭望之墓




西安府

漢蕭望之墓

在府城東南五里故春明門外望之賢傳死非其
罪元帝追悔不忘歲時遣使祀其冢

西安府




唐郭之墓



唐郭敬之墓

敬之汾陽王子儀父也壽州刺史以子貴贈太保
徐國公墓在咸寧郭庄遊城南記云神道碑爲苗
晉卿撰今不存



唐顏師古墓



唐顏師古墓

師古其先瑯琊人后家萬年註漢書急就章大顯
從太宗征高麗卒葬長安城南二十里



墓玉抱李唐



西安府



唐李抱玉墓

抱玉本安興貴曾孫名重璋天寶末以戰河西有功爲改今名祿山亂守南陽斬賊使上言耻與逆賊共宗有詔賜之姓因徙籍京兆累兼節度使副元帥在鎮十餘年雖破虜功而禁暴安人爲將臣之良卒贈大保謚曰昭武墓在長安縣杜永村



唐潭城墓



唐渾瑊墓

長安志曰瑊墓在萬年縣西南萬年故咸寧通志
于咸寧臨潼宜川皆有墓按本傳朱泚平論功以
瑊兼侍中河中節度使徙咸寧賜大寧里甲第鎮
奉天虜罷還河中虜入涇邠授邠寧慶副元帥卒
羣臣奉慰延英喪車至自鎮帝復廢朝則咸寧者
爲是今在城西南十五里

周文王陵



周文王陵

孟子稱文王卒于畢郢今咸陽北十五里高原曰

畢原有周文王陵

程大昌雍錄引皇覽云秦武王

是人以爲周文王冢非也周文王冢在杜中杜縣

之中杜在鎬東又云長安有畢陌咸陽有畢原畢

名兩出爲誤所起謂文王當葬渭南宋敏求長安

志志周四冢于咸陽于畢原下引尚書注畢中南

山之道名中南山正在渭南李好文補圖亦引皇

覽與大昌同通志疑之謂周葬以左右爲昭穆不

宜南向東向爲合今按武王冢近文冢成王冢太

遙昭穆序旣不合杜縣正在渭南大昌之說似爲

有椽第皇覽已云人以爲文王冢則其來久遠而

涇之南又不可求周陵處所有司奉祀皆在咸陽

一水之間不足爲遠

周武王陵



文王陵



康王陵

咸陽縣

周武王陵

陵在文王陵北數十步
今周武王陵崇廣僅半文
武王居左爲昭成王居右爲穆王似不當在文
王後漢劉向唐今孤亘皆曰周武葬畢陌無丘壠
之處今乃在高原
丘壠中是邪非邪

文王陵

康王陵

周成王陵



咸陽縣

周成王陵

陵在文王陵南二里許

按成王陵去文陵既遠于昭穆未是而高廣乃過武

何也

文王陵

成王陵

周康王陵



周康王陵

陵在成王陵東康王爲文之昭菲當從武王次今
王陵右爲武之穆此又
程大昌諸人所未及也

漢高帝長陵



漢高帝長陵

漢帝后同塋爲合葬不合陵皇覽云高帝呂后山各一所三輔黃圖長安志圖皆云呂后陵在長陵東今長陵正作二冢東冢稍前西冢視東冢高廣不及者十二祭者亦皆于東冢關中記云長陵城有南北西三面東面無城陪葬者皆在東陵山廣百二十步崇十二丈在古渭城東北五里去今咸陽三十五里陵北有故城云蕭城疑卽長陵縣城

漢惠帝安陵



長陵




漢惠帝安陵

安陵漢惠帝陵在長陵西北黃圖云去長陵十里
有果園鹿苑徙關東倡優樂人五千戶以爲陵邑
善爲啁譏俗稱安啁陵呂后又欲爲高墳使從未
央宮坐見之東陽侯諫乃止噫何如不彘戚氏不
酖趙王成帝之仁愛也

漢昭帝平陵

長陵



漢昭帝平陵

昭帝委任霍光與民休息故治陵邑儉令萬年後
掃地而祭及帝大行時光乃用田延年奏浚入茂
陵焦氏賈氏積貯炭葦諸下里物葬平陵今在咸
陽縣東北十三里

漢元帝渭陵

長陵



漢元帝渭陵

渭陵在平陵西按元帝永光四年以渭城壽陵亭部原上爲初陵詔勿置縣邑使天下安土樂業及葬有司言乘輿車牛馬禽獸皆不宜以葬奏可是時漢雖近衰乎然其葬如此亦足觀矣


漢成帝陵



漢成帝延陵

成帝荒淫爲亡漢基其初治延陵竇將軍惡犯麥
苗地放言不便卽徙昌陵致土與粟同價已又聽
谷永言罷昌陵棄言者郭萬年還就延陵漢書陵
在扶風今在咸陽西北十五里蓋其地在漢屬扶
風郡

漢哀帝義陵



漢哀帝義陵

義陵在咸陽縣西八里漢書稱帝寵董賢至生爲
起冢營義陵傍規度甚盛而平帝詔民冢不妨殿
中者勿發當是王莽爲之既葬神衣忽出柩在牀
上西漢之亡兆矣

陵康帝平漢



漢平帝康陵


平帝年十四而遇醜雖以禮斂加元服葬康陵悲夫悲夫陵在咸陽縣西二十五里

周太公望墓



武王陵

文王陵



咸陽縣

周太公望墓

尚書鄭注曰太公封齊留爲太師五世之後始歸葬于齊太公冢當從周今在咸陽東北二十里而史記皇覽曰呂尚冢在臨菑縣南十里按田和亦稱太公或是和誤爲尚耳

周公墓



太公墓

武王陵

文王陵



咸陽縣

周公旦墓

今太公望墓東有周公墓公封魯成王畱公治洛
不得歸沒後所謂成王命葬于畢從文王明子小
子不敢臣周公也按周墓自文王而下如皇覽程
大昌說在渭南則今在咸者皆

疑矣

秦白起墓



秦白起墓

白起賜死杜郵蓋坑趙降卒之報也史云出咸陽
西門十里今在咸陽東五里蓋秦城在東有墓焉
周垣廟貌之廟有碑自唐已云增修按史稱起死
秦人憐之鄉邑皆祭祀焉豈至今耶

墓人夫戚

墓慈如


長陵



漢戚夫人趙王如意墓

戚夫人趙王如意母姦子酖而猶得有墓近長陵
當是葬由惠帝


漢張良墓




漢張良墓

長安志留侯陪葬長陵相去五里今在咸陽縣東
北三十六里而史記云留侯死並葬黃石注引括
地志漢張良墓在徐州沛縣東與留城相近豈辟
穀後故不死作疑冢和洋縣西四十里有子房山
相傳良辟穀處

漢蕭何墓



漢曹參墓




漢蕭何曹參墓

漢宮門凡以司馬名者宮垣之內兵衛所在皆有
司馬東觀漢紀蕭何墓在長陵東司馬門道北百
步蓋長陵城內爲殿垣門四出及便殿掖庭諸官
寺故亦曰司馬門西北二里許又有曹參墓二人
代相何立法參守之並葬長陵宜也城固縣志曰
東北三里邯鄲村有何墓漢中府志曰何墓在城
固西二十三里未知孰是

漢張敖墓

趙王墓


安陸



漢張教墓

據關中記教墓在安陵東墓上作五岳之像人謂五岳冢長安志圖在安陵東北史記正義云魯元公主墓在咸陽西北二十五里次東有張教冢咸陽或謂渭城又云張耳墓在咸陽東三十三里今傳有趙王墓在安陵西墓傍有小冢八豈是耶姑取志圖與咸陽新圖志之

漢周新墓



漢周勃墓

勃封絳侯食邑絳絳今絳州按史勃就國後薨今
有墓在長陵西北

平陵

漢馮唐墓




漢馮唐墓

馮唐趙人父徙安陵子遂又得入爲郎今墓在平陵或是

墓 旌 樹



安 陵



楊雄墓

楊子雲仕王莽劇秦美新貽譏千古及死乃有負
土作墳若侯巴者塚號曰玄冢今猶存在咸陽東
北安陵阪上



南



雙石林





陵氏齊華



華胥氏墓


華胥氏蓋上古國君外紀云太昊之母居于華胥
之渚羅泌又云于肺山得華胥之封肺山恐卽浮

肺山




尊盧氏陵

羅泌路史稱尊盧氏在伏羲後葬浮肺山之陰卽
今藍田山也在縣西一名覆車山又云于藍田得
尊盧之塚




秦昭襄王冢



秦昭襄王冢


自酈以西在秦皆芷陽故曰昭襄王葬芷陽今在白鹿原實藍田縣地去縣北四十里白鹿原今又半入咸寧界也又昭襄王悼太子死魏歸葬芷陽徐廣曰在霸陵今在縣西



漢臨江王家

王孝景帝故太子廢為王無他失德徒坐以侵廟
壙垣竟死蒼鷹之手及葬數萬鷲為啣土置冢百
姓憐之冢在藍田縣東三里

南



唐李玄通墓

唐盧鈞墓

唐李玄通盧鈞墓

玄通守定州死劉黑闥墓在藍田蓋通家于此或
常歸葬盧鈞家范陽入爲太子太師卒今葬藍田
與玄通異矣


南



墓珣蘇唐





墓晉蘇唐




唐蘇珣蘇晉墓

珣晉父子本藍田人珣能不阿武后晉亦進忠
宗史頗稱之今有墓在藍田北三里



周幽王陵



周幽王陵


王嬖龍聚之妖死于犬戎可謂滅于戲矣陵在臨潼縣東北二十五里高一丈三尺周三百步西京雜記云廣川王發幽王冢及羨門多石堊撥除丈餘深乃得雲母尺餘見百餘屍縱橫不朽惟一男子餘皆女子或坐或臥猶有立者豈兵亂後聚而瘞之乎



秦始皇陵

始皇令李斯將天下刑人徒隸七十二萬人治鄜山鑿之不入燒之不然叩之空空如下天狀竒器珍寶克滿其中以人魚膏爲燭水銀爲江海黃金爲鳧鴈俗呼秦王地布又令匠作機弩有穿近輒射之懼洩其事盡閉匠者壙中后宮無子者殉葬甚衆未幾項羽發之以三十萬人運物三十日不能窮關東盜賊銷鑿取銅牧人尋羊燒之火延九十日不能滅吁可戒矣

漢太上皇陵



渭水

臨潼縣

漢太上皇陵

前漢書高祖十年太上皇崩葬萬年縣師古曰高祖初居櫟陽故太上皇因在櫟陽及崩葬其北原上名曰萬年陵因建萬年縣置長丞今在臨潼東北七十五里陵西又有昭靈后陵

古新豐

臨潼縣

漢馮衍墓



漢馮衍墓

臨潼志云縣東十四里有馮衍墓按後漢書衍京兆杜陵人有奇才羈旅州郡通視千里覽見舊都遂定塋焉注曰衍墓在新豐縣西四里今新豐去縣二十里正其處也



唐段秀實墓

秀實手擊朱泚雖不克然足以褫賊魄矣死謚忠烈墓在臨潼縣西南十三里墓東有祠千載後猶凜凜也


臨澧縣

僧一行之墓




唐僧一行墓

一行精曆象陰陽五行之學撰開元大衍曆經卒
諡大慧禪師玄宗御製文書碑出內庫錢爲起塔
于銅人原後幸溫湯過塔前駐馬徘徊今臨潼縣
西南有一行葬塔在灊陵東北十五里



唐宣宗貞陵

宣宗欲易樹子付託羣小大行時非王宗實入視
幾有易牙之禍矣懿宗卽位葬貞陵陵在小仲山
去涇陽縣西北六十里





唐德宗崇陵

德宗葬嵯峨山麓在涇陽縣西北史云王后祔焉
按帝初用盧杞趙贄稅間架除陌錢召民愁怨又
徵師日滋朱泚乘釁作逆既走奉天復奔梁州非
得李晟渾瑊唐祚盡矣及還長安猜忌如故寵宦
者竇文場任佞幸裴炎齡始終以杞爲忠慎而陸
贄擯矣進奉羨餘克物大盈幾易太子賴李泌苦
諫而免崩時太子疾遺詔出倉卒山陵備禮幸也




漢五弟倫



漢第五倫墓

范曄謂倫峭嚴爲方歸諸寬厚然亦以歷事明主
故得用功名終賜秘器衣衾葬清谷口在涇陽縣
西五十里




漢景帝陽陵

史記注黃圖云陽陵闕門四出神道四通其地在
涇渭間去高陵西南三十里漢書注陵東有王后
陵




唐李晟墓



唐李晟墓

天生李晟爲唐社稷也封西平郡王卒謚忠武葬
今高陵西南十里有碑裴度撰柳公權書過者無
不軾之矣

唐太祖高陵




唐太祖永康陵

高祖神堯大父諱虎仕魏封隴西郡公周追封唐
國公神堯武德初追尊爲太祖陵曰永康開元中
詔置官陵戶今在三原縣北四十里

唐高祖獻陵



三原縣



唐高祖獻陵

帝陟于貞觀九年遺詔園陵務從儉約太宗欲依漢長陵故事從厚葬虞世南房玄齡等議遵顧命從之陵在三原縣東北四十三里

陪葬妃一公主一

楚國太妃萬氏

館陶公主

陪葬諸王十六

河間元王孝恭

襄邑恭王神符

清河王誕

韓王元嘉

彭思王元則

道孝王元慶

鄭惠王元懿

號莊王元鳳

鄭悼王元亨

徐康王元禮

滕王元嬰

鄧康曰元裕

魯王雲夔

霍王元軌

江王元祥

密王元曉

陪葬功臣七

并州總管張綸

營國公樊興

平原公王長楷

巢國公錢九隴

刑部尚書劉德威

譚國公丘和

刑部尚書沈叔安

唐敬宗莊陵



三原縣

唐敬宗莊陵

昭愍擊毬酣酒賜內侍服色無節狎暱羣小弑于
宦豎劉克明等年才十八耳其不亡唐幸也葬亦
曰莊陵在三原縣西北五里



唐武宗端陵

帝委任李德裕制河北三鎮如蓮之掌澤路反側
取同拾芥何特達也第日信方士服不死藥以致
傷生才人王氏于其未疾前已獨憂之而又能以
身薦螻蟻故宣宗卽位贈賢妃葬端陵之栢城在
三原縣東北三十里



唐滅襄陽



三原縣

唐臧懷恪墓

墓在三原縣北原上按懷恪仕唐與子希讓頗有
戰功兄弟子姪乘朱輪拖珪組甚威然亦以顏魯
公爲撰書神道碑所謂附青雲之士聲施後世也

李太白墓



唐李國貞墓

唐書稱國貞以辦吏清白守法觀察糾州糧盡爲
亂軍所殺葬三原北原上權德輿爲撰碑銘

洪武帝陵




漢武帝茂陵

帝雄才大畧然征伐四夷信任方士禱祠土木之役興
鹽鐵平準之法審民窮盜起幾成大亂末年一詔休兵
息民遂以善終葬茂陵在興平東北十七里陵崇十四
丈廣百四十步過漢諸陵貢禹謂多瘞藏不復容物病其
侈也武帝既葬茂陵園自燒好以下上幸之如平
生又吏告民盜用樂與物按其題是我陵明
器鄴縣又有人買得玉杯亦茂陵中物呼吏問之
說市人形如先帝帝又見形謂陵令薛平奈何令
人上吾陵磨刀劍推問果然然亦異矣

茂陵

漢公孫弘墓



漢公孫弘墓

公孫弘齊菑川薛縣人六十餘始遇七十爲丞相
史譏其希人主意挾詐報怨然且爲汲長孺所斥
及死亦葬與平當茂陵西南

漢街青墓

茂陵





漢衛青墓

衛大將軍青既貴尚平陽公主元封二年卒合葬
茂陵東二里帝爲之起冢象廬山其君臣遇合大
都以戰勝爲能千秋萬歲後魂魄猶相依也

茂陵

漢去病墓





漢霍去病墓

驃騎于戰獨烈故能暴起貴踰衛青及死帝尤悼
之爲冢發屬國玄甲軍象祁連山今呼去病冢在
衛青冢東石人馬猶存師古曰與青冢俗呼雙冢


茂陵

漢霍光墓




漢霍光墓

霍光在昭宣間有社稷功卒葬茂陵東南禮儀器
物皆如乘輿發三河卒穿復土起冢夫人顯更侈
大之起三出闕築神道北臨昭靈南出承恩今獨
墓存




漢馬融墓



漢馬融墓

馬融茂陵成懽里人今墓在興平西南三十里平原中俗謂馬連冢融大儒而草奏李固獻西第頌媚大將軍又有傳其忌而欲殺鄭玄者槐里一丘寧無遺訾焉




山水圖
卷之十一

漢李夫人墓唐楊貴妃墓

漢李夫人唐楊貴妃皆葬今興平縣地李以倡楊
以淫皆能禍國而楊尤爲烈乃臺草帷神襪錢土
粉人尚艷言之何也

南



墓李王周



周王季墓


鄆卽周豐邑按文王生于岐周伐崇後始作邑于
豐則自太王及王季皆居岐州不他徙而史記皇
甫謚云王季葬鄆縣之南山今在鄆西三里距南
山十餘里




老子墓

水經注曰就水北經大陵西俗謂之老子墓在盩
厔縣東南老子爲柱下史適西戎于此有家事非
經證然莊子曰老聃死秦失弔之三號而出有冢
可也今就谷吾老洞中有石函云老子頭顱藏焉
聞開視之人畜皆災抑獨何哉

下邳廢城



漢金日磾墓



漢金日磾墓

一統志云墓在下邳城東南雍大記云卽渭南縣地縣志云昭帝以日磾有匡輔功封柁侯賜陂地數千畝于下邳薨賜冢地于下邳陂謚曰敬侯後人稱其陂曰金氏陂考漢書云賜葬具冢地送以輕車介士軍陳至茂陵何也

渭水

下

下

下

下

下

下

下

下

下

下

下

下

下

下

下

下

下

下

下

下

下

下

下


下

下

下

下

漢蔡順墓



漢蔡順墓

順汝寧人在西漢末避亂遯居于渭南遂葬焉按
汝南先賢傳順事母至孝今墓碑爲元田遠撰志
謂在縣東關街南五指山下今移在酒水西



唐王忠嗣墓



唐王忠嗣墓

唐書忠嗣鄭縣人蓋其時地屬鄭今墓在渭南縣
廣鄉原道南神道碑元載撰王縉書有縣令輦之
酒西

唐白居易墓




唐白居易墓

樂天與其弟行簡敏中三墓在渭南縣北紫蘭村
樂天自爲墓志舊有碑今泐而裂矣

5

宋 破 華 墓



宋寇準墓

渭南志寇萊公墓在棠村里仕原之麓蓋公初生地也有祠去縣北五十里



唐太宗昭陵

陵在醴泉縣東北四十里初貞觀十八年詔營山陵九峻山上足容一棺而已乃鑿山西南七十五尺爲玄宮旁巖架棧道繞山達玄宮門及葬文德皇后帝自爲文言薄葬以止盜賊之心不藏金玉人馬器皿皆用土木形具而已開國之主規模宏遠哉

陪葬宰相十三

中書令馬周

中書令崔敦禮

司徒英國公李勣英公總章

元年卒謚貞武給東園秘器陪葬及葬高宗臨送

勳天策墳一準衛霍故事象陰山隄山及烏德鞬

山以旌破突厥薛延陀

之功尚書左僕射衛國公李靖

舊唐書衛公薨給班劍四十一人羽葆鼓吹陪葬謚

景武先是靖妻卒詔墳塋制度依漢衛霍故事築

闕象突厥內跌山吐谷渾內積石山形以旌殊績

右僕射虞國公溫彥博 右僕射宋國公蕭瑀

右僕射申國公高士庶 右僕射梁國公房玄齡

玄齡當國任公竭節疾甚帝命鑿苑垣以便候問

親握手與訣悲不自勝薨年七十一謚曰文昭廷

高宗詔配享太宗廟廷太子太師鄭國公魏徵

太子太師鄭國公魏徵

徵謚文貞夫人裴辭曰徵素儉約今假以品禮儀物非徵志乃用素車白布幃帷無塗車芻粟帝登苑西樓爲文勒碑

高陽公許敬宗

右僕射萊國公杜如晦

如晦疾篤上親幸其宅撫流涕賜物千段尋薨上

哭之廢朝三日贈司空徙封萊國公謚曰成詔著作卽虞世南爲製碑文

太尉趙國公長孫無忌

丞郎三品五十三

戶部尚書莒國公唐儉 吏部侍郎馬載

戶部尚書武陽縣公李大亮

衛尉卿齊國公房仁裕 禮部尚書張俊胤

國子祭酒孔穎達

禮部尚書孔志亮

工部侍郎孔惠志

散騎常侍褚亮

祕書監永興公虞世南

工部尚書閻立本

吏部尚書姜晦

中書舍人杜正

殿中監唐嘉會

學士姚思廉

衛尉卿魏叔王

光祿卿姜遠

祕書監岑景清

宗正卿李芝芳

光祿卿房光義

衛尉卿房光敏

子閩州刺史誡

清河郡主婚贈鴻臚寺卿竇庭蘭

金州刺史盧真松

天策府記室薛收

宗正卿段綸

金紫光祿大夫長孫璿

贈吏部侍郎安康伯太史令薛績

銀青光祿大夫李震

洪州刺史吳黑闥

晉州刺史裴藝

寧州刺史竇義節

衛州刺史蕭業

吏部郎中馬頡

幽州都督平元公長孫敞原州都督李政明

臨淮公李規

琅琊公李玘

常山公李清

千金公李俊

中山公李琚

汝州別駕房佐

清道率房回

江夏郡王道宗

夔國公劉洪真

雍州長史李弼

特進觀國公楊仁恭

原州都督史幼駿

陝王府司馬謙

芮國公豆盧行業

西平郡王李琛

蘭州刺史建寧公李安

南都督姜簡

功臣大將軍以下六十四

大將軍薛國公阿史那忠

開府儀同三司鄂國公尉遲敬德

右驍衛大將軍嘉川公周護仁

鎮國大將軍丹陽公李客師

大將軍鴈門公梁建方

左鎮衛大將軍統國公張仕貴

左武衛大將軍翼國公秦叔寶

大將軍周國公鄭仁泰 益州都督王愔

輔國大將軍劉弘基 武衛大將軍申進達

孫武達

丘行恭

阿史那

什鉢苾

金吾大將軍梁傲

左衛大將軍阿史那社爾

監門大將軍仇懷古

大將咄苾

大將軍蘇光熟

漢東公李孟常

光祿大夫芮國公豆盧寬

大將軍尉遲寶琳

大將軍阿史那道真

左武衛大將軍天水郡公丘行恭

金紫光祿大夫賀蘭整

大將軍張大師

冠軍將軍許洛仁

大將軍張延師

大將軍瑯琊王鉞

大將軍史大柰

左武衛大將軍懷德縣公牛伯憶

左金吾大將軍梁仁裕

右屯衛大將軍金水郡公姜確

左監門大將軍王波利
大將軍公孫雅靖

大將軍可汗阿史那步真
大將軍史奕

大將軍李蒜
大將軍阿史那德昌

右監門將軍龔善
左金吾將軍房先忠

內侍將軍張阿難
橫野將軍都督拔野鉄

都督渾大寧公史氏祔 將軍盧國公程知節

于闐王尉遲母阿史那氏祔

將軍仇務薦

右武衛大將軍懷寧縣公杜君綽

將軍薛仁靖

右監門大將軍賀拔儼

將軍魯何道

將軍楊思訓

將軍元仲父

將軍豆盧承基

將軍斛斯正貴

將軍徐定盛

將軍康平

將軍段志玄

將軍薛萬鈞

將軍元思賢

將軍李承祖

中郎薛承慶


右郎將尉遲昱

左郎將姜昕

中郎將段存爽

諸王妃嬪公主及諸蕃君長擒伏歸和者不載


唐肅宗建陵



醴泉縣

唐肅宗建陵

天寶之亂肅宗庶幾中興然任宦者爲觀軍容使致九節度之兵潰于相州節度使由軍士廢立與唐相終始亦失策矣崩葬建陵在醴泉縣北三十里武將山貞元中修葺陵寢獻昭乾定泰橋元七陵各造屋唯建陵修葺而已有陪葬功臣郭子儀另圖




隋高頰墓

高頰有文武大畧爲隋文忠臣幾死宮中之譖而
又欲以忠諫忤楊廣遂坐誅諸子流徙墓在醴泉
縣東三十里

建陵

唐郭子儀墓



醴泉縣



唐郭子儀墓

汾陽以身繫唐社稷安危四十餘年八十五薨贈
太師諡忠武陪葬建陵舊令一品墳高丈八詔特
加十尺及葬上御安福門哭送之千載而下猶有
生氣也





漢四皓墓

四皓隱商山沒遂葬焉三冢相連一冢少遠傍多
練子樹去商州西五里有祠長安志圖咸陽有四
皓墓非是



唐王仁皎墓

仁皎唐玄宗后父封祁國公卒其子駙馬都尉守
一請用實誥例築墳五丈一尺宋顥蘇頌以爲准
令一品墳高一丈九尺上從之墓在同州南十里



宋鄭興基




宋鄭驥墓

宋史驥廣信玉山人高宗初以直秘閣知同州金
將妻宿犯同州城陷驥投井死謚威愍詔賜廟愍
節今其墓存在州西北二里

長春宮

唐嚴誤墓



唐嚴譔墓

譔朝邑人高宗時居矣廬墓武后以譔爲詳審使
平活八百餘人來俊臣誣以罪謫交趾五歲得還
召拜右散騎常侍今朝邑縣長春宮南有墓



程嬰公孫杵臼墓



兩人先后爲趙孤死並冢室也史記正義曰河東趙氏祀先人別舒一座祭二士河東與韓城隔一河墓或是在縣南二十里縣志又有題趙武墓詩然不可攷



漢司馬遷墓

太史公龍門世家韓城縣南二十里有墓因號司馬坡有祠東向洪河懸崖古柏森森過者想見其生平奇瑰矣



會頡墓



白水縣


倉頡墓

倉頡生而能書及長仰觀奎星圖曲之勢俯察龜
文鳥羽山川掌指而朔文字字成天而粟鬼夜哭
楊用修云倉頡冢方輿勝覽有數處當以關中左
馮翊今耀州者爲是按皇覽云倉頡冢在利陽亭
南高六丈聞人牟準作衛覲碑云倉頡冢碑大篆
書在左馮翊利陽亭南道旁今在白水縣東北八
十里



華
生

基公桓鄭周



周鄭桓公墓

公名友宣王庶弟按史記索隱鄭縣屬京兆系本
云桓公居棫林宋忠曰棫林舊地名是封桓公乃
名爲鄭卽今華州墓在西郭

南


唐郭暖墓

華




唐郭曖墓



曖汾陽王第五子也以太常主簿尚昇平公主襲
代國公墓在華州西南十里半山中



華陰縣




漢楊碩墓



漢楊碩墓

碩諳天文隱居華山知漢高帝當興八子皆從征
伐名喜者斬項籍有功封侯碩獲封見漢書功臣
表今墓在華陰縣東五十里



漢班超墓




華陰縣



漢班超墓

定遠侯其先扶風人而一統志及通志皆謂超墓
在華陰今存去縣西二十里




華陰縣

漢華佗墓



漢華佗墓

華元化爲人醫多奇咳獨不爲曹操除頭風竟收
死獄今墓在華陰西五里通志云華陰人後漢書
三國志皆曰沛國譙人



秦王猛墓




華陰縣



秦王猛墓

景略苻堅之孔明也然瀕死猶諫堅使不以晉爲
念此豈須臾忘晉哉時未可也今墓在華陰縣西
三里



唐烏承玘墓

承玘開國公重胤父有軍功與兄承恩謀殺史思明未果李光弼以詔拜冠軍將軍封邑化郡王貞元十一年薨華陰縣告平里墓存

南

希夷峽

宋陳持基


玉泉院

華陰縣



宋陳搏墓

陳搏亳州人唐長興中曾舉進士不仕及聞宋藝祖受禪乃隱武當山后至華岳雲臺觀高臥不起歿于張超谷石室中相傳僊去蓋託而逃焉者遺骨爲道士時出乞施嘉靖中直指姚公一元葬之玉泉院蘇公志皐作記



女媧氏陵

女媧陵在潼關東門外三里黃河北岸唐天寶初
虢州閿鄉黃河中女媧墓大雨晦冥失所在至乾
元中夜瀕河人聞有風雷聲曉見其墓踊出故相
傳曰風陵堆或曰女媧墓在山西趙城縣此黃帝
相風后墓莫可考



潼關

漢楊震墓

漢楊震墓

震畏四知裨匡時政而譖于樊豐等慷慨飲酖命
以雜木爲棺布被裁足蓋形勿歸冢次太守移良
奉豐旨留停露棺道側歲餘乃得改葬華陰潼亭
有大鳥高丈餘集柩前悲鳴淚下葬畢飛去今墓
在潼關西七里



唐睿宗橋陵

舊唐書睿宗葬橋陵在蒲城北三十里豐山周四
十里前襟浩泉之水

陪葬太子三

惠莊太子

惠文太子

惠宣太子

陪葬公主三

金山公主

涼國公主

鄔國公主

王禮攷又有

節愍太子重俊

金城公主

城安公主

宜城公主

長寧公主

安定公主

唐讓皇帝惠陵



蒲城縣

唐讓皇帝惠陵

讓皇帝玄宗兄寧王憲也讓立玄宗薨尊爲帝俗稱其陵爲唐讓冢在蒲城縣西北十里

陪葬諸王三

鄭王筠

嗣寧王琳


同安王珣

陪葬公主三


蔡國

代國

霍國



唐玄宗泰陵





唐玄宗泰陵

玄宗開元之政幾致太平天寶以後奸臣執權艷
妃亂政祿山反叛天子出奔無足錄者初帝謁橋
陵見金粟山有龍盤鳳翥之勢謂侍臣曰吾千秋
後豈葬此地得奉先陵不忌孝敬矣後創寢園葬
泰陵在蒲城縣東北三十里

陪葬一

贈揚州大都督高力士

唐穆宗光陵



清城縣


唐穆宗光陵

當是之時再失河朔闕宦用事小人雜進無足錄者蒲城縣北二十里堯山有唐穆宗光陵宋開寶間曾經修剏諸陵廟立碑今毀

陪葬太后二

恭懿王太后

貞獻蕭太后



唐憲宗景陵



蒲城縣

唐憲宗景陵

元和英斷庶幾唐室中興惜服金丹過當有闕豎
之逆耳葬景陵在蒲城縣東北三十里

陪葬后妃三

懿安郭太后

孝明鄭太后

王賢妃

濟城縣



賈大公墓




賈大夫墓

左傳稱賈大夫惡娶妻而美者蒲城在周爲賈國
縣西南十八里賈曲鄉有賈大夫墓

蒲城縣



唐魏墓基



唐魏墓墓

墓文貞公徵五世孫謹言無所畏避宣宗稱其綽
有祖風爲令狐絢所忌罷之今有墓在蒲城縣南
十五里



唐李思訓墓



蒲城縣



唐李思訓墓

蒲城西十五里有思訓墓唐雲麾將軍也墓碑北海太守李邕書




唐令环雷孤熙令孤德家墓



唐令狐整令狐熙令狐德茶墓

整子熙熙子德茶仕周隋唐間德茶撰後周書傳
于世墓在耀州西北三里





唐中宗定陵



唐中宗定陵


帝不能鑒殷以致韋氏之亂幾亡唐室崩葬富平
縣西北十五里曰定陵

唐高宗元陵




唐代宗元陵

代宗時閹尹用事藩鎮陸梁雖平亂守成僅中主耳陵曰元陵在富平縣西北二十五里葬時以德宗生在午輜輳車移指丁未間德宗問之有司以對上哭曰安有枉靈駕而謀自利乎改輅直午而行




唐順宗豐陵



富平縣


唐順宗豐陵

帝爲太子病風且瘖嗣位改元永貞八月禪憲宗
崩葬豐陵今在富平西北五十里金甕山韓愈豐
陵行欲言非職知何如病其侈也



唐文宗章陵

文宗陵曰章陵在富平縣西北二十八里天乳山
帝親宰輔慨然思治而制于中官終不能振至以
周赧自比夫在不明與不斷也




泰山王墓



秦王翦墓

在富平縣東四十里道賢鎮墓左六家俗傳爲六國
圖書圖書非可葬者或共子若孫耳每六月朔望
墓若海市狀城郭依然車馬交錯異也



唐符令奇墓



在富平縣南三十里薄臺川其子輔國將軍瑋從
葬

唐李光弼光祿墓



唐李光弼李光進墓

光弼才位幾與汾陽齊封臨淮王
諡武穆墓在富平縣西北三十里
墓碑神道碑顏真卿書祠旁卽
光進墓兩冢相望焉



唐賈島墓

在富平縣東三十里大賈村墓碑柳公權書今不
存

唐高宗乾陵



唐高宗乾陵

高宗荒淫惑于武后致牝雞晨鳴幾移李祚猶與
武氏合葬乾陵在乾州北十里古梁山之巔按唐
書后崩議合葬嚴善思爭之不能得俗呼武后陵
豈后盜魁柄千載下遂無高宗乎陵上刻諸蕃酋
長各肖其形並刻名姓今猶有存者又有于闐國
進無字碑

陪葬太子諸王公主九

章懷太子賢

懿德太子重潤

澤王上金

許王素節

邠王守禮

義陽公主

新都公主

永泰公主

安興公主

諸臣

特進王及善

中書令薛元超

特進劉番禮

尚書左僕射豆盧欽望

左僕射楊再思

左僕射劉仁軌

左衛將軍李謹行

左武衛將軍高侃

唐僖宗靖陵



乾州




唐僖宗靖陵

僖宗當唐室之衰專事遊戲委政閹尹黃巢犯關
出走興元唐之亡必矣二十七而崩葬靖陵在乾
州東北十五里

唐扶仁傑墓



乾州



唐狄仁傑墓

梁公于唐有洗天浴日功卒葬乾州北門外五里
許當乾陵東




乾州

唐桑道茂墓

唐桑道茂墓

道茂有神術嘗謂奉天有天子氣後德宗果幸奉
天道茂隨行死葬乾州南門外有神道碑存

武功縣




周美姬墓



周姜嫄墓

姜嫄高辛氏元妃是生后稷詩謂封稷于釐而說者謂主姜嫄之祀墓在武功南門外南去三百六十步又西四十步武功古釐國也或謂葬邠州非是



隋文帝大陵



隋文帝大陵

在武功縣西南二十里三時原高五丈周數百步
隋書本記與獨孤后同墳異穴通志載文帝陵于
武功復載高祖陵于扶風豈一帝兩陵乎




漢蘇武墓

郡國志武冢在好畤縣東三十里按長安志好畤縣不常所置漢縣在奉天界今在乾州東七里晉縣在舊縣南二里唐縣在州西北六里宋元因之今併入永壽則武墓在武功縣東三十里守節鄉者近是韓城縣亦有武墓非



唐蘇頲墓


許公冢在武功縣西南十五里新寨南有公神道
碑張說謨公家名賢輩出獨公遺丘在焉他壟莫
可辯也



周公劉墓



邠州




周公劉墓

公劉承不韙之緒竄戎狄問始遷于豳史記云公
劉卒子慶節立國于豳則公劉墓或是在邠州東
九十里



漢公孫賀墓

武帝時丞相多坐事死及賀拜相泣不受印綬然不能制其子敬聲驕奢而欲捕朱安世以贖不能免安世之告宐其死也墓在邠州西南三十里今慶陽府亦有賀墓



漢釣弋夫入墓



漢鈞弋夫人墓

武帝將立弗陵乃賜趙婕妤死謂左右曰自古國
家所以亂主少母壯也汝不聞呂后乎昭帝即位
發卒二萬人起雲陵邑三千戶爲雲陵縣今在淳
化縣北三十里列僊傳夫人右手奉曲武帝披之
得一玉鈞故名其宮曰鈞弋宮及改葬棺內但有
絲履三秦記又曰婕妤好失寵居甘泉宮三年不返
死遂葬之也



鳳翔府

秦穆公冢

三良冢



秦穆公冢

應劭云公與羣臣飲酣曰生共此樂死共此哀奄
息中行鍼虎許諾公薨皆以殉國人爲之賦黃鳥
按秦舊都雍雍今鳳翔府史記穆公卒葬雍皇覽
曰穆公冢在橐泉宮祈年觀下括地志三良冢在
岐州雍縣則是殉葬異冢今鳳翔府城東隅有穆
公墓城外三里有三良冢水經注祈年惠公故宮
孝公改橐泉劉向言穆公葬無丘壠慶惠孝無由
起宮祖宗之墳雍錄引之謂世遠難究其的矣



此山

李氏

唐李茂貞墓



茂貞本姓宋名文通以討黃巢功賜姓名僖宗光
祿中爲鳳翔節度使據有其地昭宗時兩舉兵犯
闕後以入朝封岐王雖曾拒朱溫非其敵也至後
唐國除墓在岐山縣東五里存之以爲無將者戒

晉皇用識墓




晉皇甫謐墓

謐性貞素號玄晏先生疾篤命他物不得殉惟孝
經一冊不封不樹惟欲速朽蓋其志也墓在寶雞
縣北十里



漢馬援墓



漢馬援墓

伏波將軍扶風茂陵人以薏苡得譖妻孥懼不敢
以喪還舊塋裁買城西數畝地橐糶實客故人莫
敢弔者後寃白乃得葬在扶風縣西南八里

漢魯恭墓





扶風縣




漢魯恭墓

本傳恭性謹退奏議依經潛有補益然終不自顯
年八十一卒于家恭家在扶風平陵平陵今屬咸
陽在漢屬右扶風郡今墓乃在扶風縣北四十里



扶風縣




漢班固墓



漢班固墓

固世家扶風績父漢書有功于世今有墓在縣東
二十里一統志通志俱未載



宋張載墓


載學古力行爲關中士人宗師世稱橫渠先生按
本傳載與有司議禮不合歸中道疾甚沐浴更衣
而卒貧無以殮門人共買棺奉其喪還葬墓在郾
縣東南橫渠鎮淳祐元年封郕伯今從祀孔子廟
庭

南



漢張騫墓

史記騫以使通大夏封博望侯其後通烏孫爲大
行卒益都耆舊傳騫漢中城固人城固志曰墓在
縣西五里漢中志曰在城固縣東二十三里



漢李固墓

城固縣

漢李固墓

後漢書曰固南鄭人謝承書曰固臨終勅子孫素棺三寸幅巾殯殮于本郡燒塋之地不得還墓塋汚先公兆域有董班者事固聞固死奔赴哭泣盡哀守尸積十日不去桓帝嘉之許送喪到漢中赴葬今墓去城固縣西三十里唐韋臯作碑今亡

南


漢相諸葛亮墓

沔縣




漢諸葛亮墓

武侯遺命葬定軍山爲墳冢足容棺斂以時服不
須器物襄陽記曰亮初亡所在各求爲立廟中書
郎向亮上表謂宜近其墓立之沔陽鍾會入寇至
漢川令不得于墓所芻牧樵採今在沔縣南十里



漢馬超墓

沔縣東三里有超墓按漢建安五年諸葛武侯軍
至沔陽親詣墳所設祭今名馬塲




鎮原縣

漢劉表墓



漢劉表墓

述征記表冢在高平即子琮以珍香數十石置棺
內晉永嘉中郢人衛熙發其墓見表貌如生香聞
數里懼不敢犯今墓在鎮原縣西後漢書高平縣
屬安定即今當屬鎮原而據典略曹公在宛先主
過辭表墓涕泣而去表墓又當在荊州矣今襄陽
府東有表墓




周密康公墓

靈臺縣西五十里有密康公墓共王游于涇丘密
康公從韋昭曰康公密國之君姬姓也括地志云
陰密故城在涇州鶉孤縣西東接縣城故密國也

靈臺縣



隋牛弘墓



隋牛弘墓

弘仕文帝能采百王損益成一代典章史臣比之
叔孫通是矣及煬帝世綢繆省闈無所救正其所
短也從幸江都死歸葬安定今墓在靈臺縣南五
里靈臺舊屬安定郡

宋吳玠墓



宋吳玠墓

玠德順軍隴千人父葬水洛城因徙焉保川陝共
五十六州其功偉矣紹興己巳薨于軍上震悼輟
朝贈少師卹典加厚其弟璘與諸子奉喪歸葬于
先塋之次今在靜寧州南水洛城北原



伏義陵

秦州

伏羲陵

帝之母居于華胥之渚履巨人跡意有所動虹且
逶之因而始娠生帝于成紀帝都宛丘華胥在藍
田宛丘今河南陳州成紀秦州也秦州有帝陵在
州北四十里三陽寨媧牛堡史記云伏羲葬長沙
邈不可辨而秦安縣有畫卦臺龍馬洞則秦州者



秦文公墓



一統志云秦文公墓在秦州積麥山下按史記文
公卒葬西山皇甫謐曰葬于西山在今隴西之西
縣是寧公亦云葬西山括地志謂墓在岐州陳倉
縣

南





漢李廣墓

廣隴西成紀人自劉死軍中今秦州卽成紀廢縣
州南二里有墓或歸葬耳



周不窋墓

不窋失官竄于戎狄建公劉始遷豳北地在春秋
時爲義渠戎國故不窋墓在慶陽府東三里




慶陽府

漢得介子墓



漢傳介子墓

史記傳介子北地人師古曰北地義渠人北地在
春秋時名義渠今安化縣西七里有介子墓



黃帝陵

帝之母附寶之初野見大電逶北斗樞星感而懷
孕生帝于軒轅之丘即今河南新鄭縣境國于有
熊即今河南新安縣長于姬水故以姬爲姓合符
于釜山邑于涿鹿之阿遷徙無常以兵爲營衛按
封禪書帝采首山銅鑄鼎鼎成有龍垂髯迎帝帝
乘而去百辟莫能從拔梓墮弓獲衣冠而葬而應
劬謂臣子不敢斥言葬帝故曰葬衣冠羅必謂衣
冠善世之具民于黃帝無所見姑假喻言之也今

黃帝橋陵在中部縣北五里橋山山多柏以萬計



墓 怡 蒙 秦



秦扶蘇墓

扶蘇墓有四一在臨潼縣樂水村一在平涼府東
一在寧州西一在綏德州城中按綏德古上郡扶
蘇監蒙恬軍處賜死葬綏德地有鳴咽泉當是又
有蒙恬墓在州城西南一里

關中陵墓志附錄

西安府

咸寧縣 長安縣

秦陵

長安志圖云大明宮城北十里許唐禁苑也近漢城東大陵十餘蓋是秦陵考史記秦本紀分土邑之秦在今隴西文公收地至岐死葬西山德公初居雍至孝公始都咸陽孝公葬弟園弟園不可考當與獻公葬蹇園不遠皆在雍以西惠文王下乃

葬咸陽芷陽今其冢皆可考秦陵之說恐未是

周杜伯冢

在長安下杜城東南杜預曰周成王滅唐遷之于杜爲杜伯今不可考

皇子陂

在萬年縣西南以秦葬皇子起冢陂上故名皇子陂皇子不知爲何人不可考

秦樗里子墓

在長安故城中史記樗里子秦惠王弟卒葬渭南

章臺東謂人曰后百歲當有天子宮夾我墓漢興
長樂宮在其東未央宮在其西今無擣里墓

漢竇嬰冢

水經註故渠又東逕魏其侯冢南似在今咸寧臨
潼二縣地不可考

漢衛思皇后陵

衛思后宣帝母也葬咸寧東南桐栢園關中記云
帝父曰悼考母曰悼夫人墓曰奉明園衛皇后曰
思后以倡優雜妓千人樂思后園故又謂之千人

聚

秦二世冢

二世葬宜春在萬年南三十里不可考

唐撥川王墓

迨城南記萬年縣趙村北原上有撥川王論弓仁墓弓仁吐蕃替晉族也聖曆年統吐蕃七千帳降唐累有戰功死贈撥川王張說爲碑今已毀仆字無存者

咸陽縣

秦惠文王公陵悼武王永陵

史皆云在雍州咸陽縣皇覽謂周文王陵是悼武冢不可考

漢孝惠張后昭帝上官后

張后合葬安陵不起墳上官后合葬平陵西北二里今不知處

漢傳太后廢陵

王莽奏毀之毀時土崩壓殺人甚衆后積土猶高謂之增阜當在延陵東

周八士墓

周八士恐出傳會

漢七妃墓

七妃墓相連疑漢宮中從葬者在馮唐墓東不可考

魏周惠達墓

周豆盧回墓

近咸陽人掘地得二墓碑見存

唐僧不空墓

在窰店墓前有寺有塔銘開元間刻不具圖

漢妻敬墓

鄆縣亦有妻敬墓未知孰是

武后父母墓

號順陵石人馬猶存碑極大今毀不具圖

契苾明墓

在咸陽北原明何力子仕武后至大將軍有碑尚存不具圖

唐元稹墓

按白居易志葬咸陽縣洪清原從先兆今不可考

唐王方翼墓

方翼死崖州墓在咸陽近康陵似不可考

高陵縣

姚萇姚興墓

萇在縣西北十里號原陵興在縣東五里號偶陵
姚氏羌胡僭偽不具圖

漢李蔡先墓

在陽陵前高陵志謂爲李廣今按史記漢書廣從
弟蔡爲丞相詔賜冢地陽陵當得二十畝蔡盜取

三項頗青得鉅萬又盜取神道外墺地一畝葬其中下獄自殺當是李蔡自葬其先人訛爲廣席隴西成紀人今自有墓在秦州或是見前圖

涇陽縣

漢鄭卦墓

涇陽有谷口鎮又有鄭泉遂傳子真墓在鎮民居中無封土可識且塚中亦有谷口姑闕之

藍田縣

戰國荆軻墓

長安志藍田縣有荆軻墓同州郃陽縣亦俱有荆軻墓蓋凡三墓軻以匕首入秦刺秦王不中斷股后恐不得收葬而張茂先記荆軻字次非周日用云嘗經荆將軍墓與羊角哀冢隣其地在苑陵之源羊角哀見列士傳云角哀與左伯桃併糧于楚伯桃死角哀葬之梁山伯桃見夢曰與荆將軍墓鄰每與戰困迫望借兵于冢上相助角哀自刎從之倘所謂荆將軍別一軻耶何墓之多也

興平縣

漢何武王嘉二冢

三秦記何武葬北芒薄龍坡西京雜記云去王嘉冢一里北芒即今興平北原東西亘咸陽武功也通志載王嘉冢曰在興平東北十里據此則二冢正與茂陵近但武以南陽博望鄉爲國就國后卒不知何以葬在此嘉死長安墓或當然然皆不可考

漢原氏阡

漢書京兆尹曹氏墓茂陵曰京兆阡原陟自以先

人墓餘乃大起家舍號南陽阡人不肯謂之原氏
阡今不知其處

漢丁蘭墓

蘭刻母事出孫盛逸士傳云張叔妻借物木人不
悅語近不經不具圖

臨潼縣

秦王子嬰冢

在縣東二十里新豐鎮亡國之餘不具圖

渭南縣

西魏孝武帝冢

長安志在渭南東南里廣鄉原崇六丈周一百二步石人虎尚存據今乃在東原郭許里田村之東志又于富平載后魏孝武帝冢考魏書宇文泰迎帝東陽驛遂入長安後帝殂葬孝陵蓋即渭南廣鄉原也

華州

漢東方朔墓

朔墓在山東陵縣顏魯公書碑華州西南十五里

地俗名會東方謂有人會東方朔于此嘉靖間土人掘得一碣曰會同坊訛爲東方因云有朔墓耳

耀州

春秋公冶長墓

無考恐出附會

唐柳公綽柳公權墓

州北四十里柳家原有二墓今不存

唐孫思邈墓

五臺山有孫真人洞歲時病者禱祠之疑墓亦當

在此

富平縣

後周太祖冢

宇文泰也縣志云在鳳皇山南宋太祖初建廟于冢前趙孚碑紀其事

魏孝文帝冢

富平東南三十里中華原上延昌公主陪葬

同官縣

秦孟姜女墓

姜女湖廣澧州人夫稱范郎始皇時役長城久不
歸姜女往城下哭晝夜不輟城崩以指血試其骨
得之負歸歷數千里至同官金山巖力竭死同官
人因就巖下爲祠卽其骸塑像祀之亦大異矣以
無墓不具圖

武功縣

唐殤帝陵

縣志有隋煬帝墓隋書煬帝初葬吳公臺下后改
葬雷塘舊唐書武德五年八月葬隋煬帝于揚州

不當在武功考唐中宗長子重茂謚殤帝葬武功
西原長安志有之而縣志無殤帝墓當是殤訛爲
煬耳

宋游師雄墓

師雄墓碑在縣西八里爲耕者沒之華表尚存

邠州

秦苻堅墓

在邠州新平寨晉書載記縊堅于新平佛寺卽此

永壽縣

唐安金藏墓

金藏京兆長安人在太常工籍武后臨朝有誣皇
嗣異謀者金藏欲明不反引佩刀自刺腹中腸出
被地而仆武后大驚命醫內腸褫桑紕之閱夕而
蘇睿宗乃安當是時朝廷士大夫翕然稱其誼自
以爲弗及也卒配饗睿宗廟建大曆中贈兵部尚
書諡曰忠今墓在永壽縣安家空以伶官不具圖

岐山縣

周幽王陵

周幽王陵在岐陽願北按一統志在臨潼縣東北二十五里見前圖幽王死驪下在臨潼者良是縣志言鎮內有太王廟而志無太王家况太王遷岐下書傳可考家在岐陽無疑豈以太王陵認爲幽王陵耶

隴州

周赧王墓

州志載周赧王墓在州北三十里一統志謂在湖廣慈利縣容齋續筆云其中藏古器甚多按史記

赧王入秦秦受其獻歸赧王于周自洛陽徙河南
隴京得有墓明矣

汧陽縣

唐段行琛墓

行琛太尉秀實父也墓在縣西北七十里鳳翔少
尹張增書神道碑字畫類顏魯公今存

褒城縣

戰國鬼谷子墓

漢中志曰褒城縣北五十里有鬼谷子墓黃草坪

雲霧山其寓跡云按史記蘇秦東事師于齊而習
之于鬼谷先生索隱曰鬼谷地名扶風池陽潁川
陽城並有鬼谷墟是其人所居因爲號耳一統志
及通志于褒城未有鬼谷地名安得有鬼谷子墓
邪

洋縣

漢蔡倫墓

倫和帝朝拜中常侍犯顏匡弼若儔罕見至楸麻
造紙其功尤著元初封龍亭侯墓在洋縣東二十

五里以官寺不具圖

唐張嘉墓

漢中志曰洋縣東北一百四十里有嘉墓縣志不
載止載嘉年十五遊長安與唐李泌善蜀之雲
居有聲年二十五卒屢著威靈宋建定間初五雲
宮祠之歲歲不絕雲居亦有祠

清水縣

五代王仁裕墓

仁裕天水人與和凝五代時皆以文章知名常知

貢舉門生有至宰相者時稱其得人著有江西集
墓在清水縣西二十里

關中陵墓志後序

人生易盡耳其不盡者獨身後之
名身盡而名無所之至使後之人
寄其思于一抔之土若謂藉是猶
可以存古人而耳目者不能及載
籍有不能傳即如皇覽冢墓記諸

書已自察又其湮滅可勝道哉

直指新安余公于天下事無所不
綜核而表章古人尤其至意故輶
車所及先朝諸陵冢輒憑而弔之
咨嗟遲回不能去乃光宗亦用故
事歲出校諸郡縣其足跡經歷畧

與公同而白楊悲風之感亦潸耿
耿丙午十月侍公武闈偶言及此
嘆息久之謂闈以西古帝王定鼎
地無論其他附骨者即周之畢漢
之北芒唐之金粟諸山陵皆在焉
世易而後珠襦玉押往又出人間

它可知矣及今不為經紀愈遠愈
溼且或化為墟莽觀風之謂何敢
以革創累君宗謝不敏漢重違雅
意乃出而咨之守土諸君子考之
紀傳合之夙昔所經見與二三子
論次為圖說凡得百五十餘墓其

累又而不可知者不敢臆斷也嗚呼悲矣草成上之

直指公公既筆削定為二卷爰付之報青氏庶幾觀者因是編以見古人而古人藏骨之丘得永存無

恙則

直指公之澤不朽宗亦且得附名
不朽抑甚厚幸矣哉

東郡祁先宗頌首題并書